



REPUBLIKA E SHQIPËRISË
GJYKATA KUSHTETUESE
DREJTORIA EKONOMIKE, BURIMEVE NJERËZORE
DHE SHËRBIMEVE MBËSHTETËSE

RELACION

PËR MONITORIMIN E BUXHETIT PERIUDHA JANAR – GUSHT 2025

1. Hyrje

Misioni i Gjykatës Kushtetuese është garantimi i respektimit të Kushtetutës dhe interpretimit përfundimtar të saj. Gjykata Kushtetuese si një organ kushtetues i pavarur kontribuon për forcimin e shtetit të së drejtës, nëpërmjet vendimmarrjes për ndërtimin e një shteti të lirë, demokratik e paqedashës, duke garantuar respektimin e të drejtave kushtetuese të çdo shtetasi, zgjidhjen e mosmarrëveshjeve kushtetuese në konfliktin e kompetencave ndërmjet pushteteve, pajtueshmërinë e marrëveshjeve ndërkombëtare me Kushtetutën, pajtueshmërinë e akteve normative të organeve qendrore dhe vendore me Kushtetutën dhe me marrëveshjet ndërkombëtare, kushtetueshmërinë e partive, organizatave të tjera politike, si dhe të veprimtarisë së tyre.

Buxheti i akorduar për programin 03320, “Veprimtaria gjyqësore kushtetuese”, ka në bazë të tij Deklaratën e Politikës së Programit (DPP), të hartuar gjatë procesit të PBA 2024-2026 dhe të miratuar për buxhetin e vitit 2025. Politika buxhetore e këtij programi, ka si qëllim realizimin e një procesi gjyqësor të pavarur, transparent në mbrojtje të kushtetutës dhe të drejtave themelore të njeriut nëpërmjet zhvillimit të infrastrukturës ndërtimore, elektronike dhe kushteve të punës të gjykatës për krijimin e kushteve optimale të punës e sigurisë për gjyqtarët dhe administratën.

Programi konsiston në mbështetjen buxhetore nëpërmjet ndërmarrjes së veprimeve të caktuara në funksion të realizimit të produkteve e aktiviteteve buxhetore për mbështetjen e shërbimeve gjyqësore ndaj publikut me përmirësimin e infrastukturës së gjykatës dhe plotësimin e nevojave për mallra e shërbime.

2. Informacion buxhetor i agreguar

Gjatë 8-mujorit të periudhës raportuese, me shkresën nr. 125 prot., datë 06.02.2025 është kërkuar çelja e fondit të veçantë në zbatim të tabelës 1, të Udhëzimit Plotësues Nr. 2, datë 24.01.2025 “Për zbatimin e buxhetit të vitit 2025”, i cili është miratuar dhe detajuar me shkresën e MF, nr. 2928/2 prot., datë 24.02.2025.

Në këtë periudhë, është kërkuar edhe rialokim fondi nga llogaria 602 në llogarinë 606, në shumën 305,000 Lekë për kompensimin e funksionarëve përfitues të telefonisë celulare sipas pikës 5 të Udhëzimit Plotësues nr. 2, datë 24.01.2025 “Për zbatimin e buxhetit të vitit 2025”, dhe kërkesa është miratuar me shkresën nr. 6271/1 prot, datë 17.04.2025, protokolluar në Gjykatën Kushtetuese me nr.346/1 prot., datë 18.04.2025.

Gjithashtu, për nevoja të institucionit dhe me qëllimin kryesor realizimin e produkteve të parashikuar, si dhe përdorimin sa më eficient të fondeve buxhetore janë kërkuar rialokime në zërin Investime Kapitale (Art. 231), nga produkti “Rikonstruksion” në produktet “Paisje informatike” dhe “Pajisje zyre”, të cilat janë miratuar nga ana e Ministrisë së Financave (respektivisht me shkresat nr. 5939/1 prot., datë 25.04.2025 dhe nr. 8296/1 prot., datë 28.05.2025)

Në mënyrë të detajuar shtesat/pakësimet e buxhetit për vitin 2025 në lidhje me shpenzimet korrente, janë paraqitur në tabelën më poshtë:

Në lekë

Buxheti fillestar	262,000,000
Akordim fondesh plani fillestar viti 2025 në llog 600 - Paga	177,500,000
Akordim fondesh plani fillestar viti 2025 në llog 601 - Sigurime	22,000,000
Akordim fondesh plani fillestar viti 2025 në llog 602-Shpenzime operative	47,500,000
Pakësim fondi gjatë vitit 2025 në llog 602- Shpenzime operative	-305,000
Akordim fondi shtesë gjatë vitit 2025 në llog 606 – Fond i veçantë	+505,000
Akordim fondi plani fillestar në llog 605-transferta	1,000,000
Investime kapitale për vitin 2025, llog 231	14,000,000
Buxheti pas shtesave/pakësimeve gjatë 4 mujorit të parë të vitit 2025	262,200,000

Numri i punonjësve buxhetor i miratuar nga Ministria e Financave është 73 punonjës plus 2 punonjës (specialistë) me kontratë. Numri faktik i punonjësve të Gjykatës Kushtetuese në fund të periudhës raportuese është 72+1 punonjës. (44 punonjëse femra dhe 29 punonjës meshkuj).

3. Performanca e treguesve kyç të performancës me bazë gjinore, në nivel produkti

Numri i punonjësve të miratuar nga Ministria e Financave (MF) për vitin 2025 është 73 punonjës me kohë të plotë. Në fund të 8-mujorit të vitit 2025, Gjykata Kushtetuese ka 72 punonjës+ 1 punonjës (specialistë) me kontratë të përkohëshme pune, nga të cilët 44 punonjëse janë gra, ndërsa 29 punonjës janë burra.

Në pozicionet drejtuese, aktualisht Gjykata Kushtetuese ka 1 Kryetare, 4 gjyqtare femra dhe 3 gjyqtarë meshkuj, 1 Sekretar të Përgjithshëm, 1 Drejtoreshë të Kabinetit të Kryetares, 1 Drejtuese të Njësisë së Shërbimit Ligjor, 3 Drejtoresha drejtorie, 2 Drejtorë drejtorie, 8 përgjegjëse sektori dhe 1 përgjegjës sektori (18 drejtuese femra dhe 4 drejtues meshkuj).

4. Performancë e buxhetit në nivel programi

Kodi i Programit: 03320

Emërtimi i programit: *“Veprimtaria gjyqësore kushtetuese”*

Qëllimet e Politikës së Programit:

Realizimi i veprimtarisë gjyqësore kushtetuese për garantimin e respektimit të Kushtetutës dhe interpretimit përfundimtar të saj, zgjidhja e mosmarrëveshjeve kushtetuese, në lidhje me ndarjen e pushteteve, ankesat e individëve, lidhur me cënimin e të drejtave kushtetuese, etj. nëpërmjet një procesi të drejtë ligjor dhe transparent.

Përshkrimi i programit: Realizimi i proceseve gjyqësore të drejta dhe transparent në mbrojtje të kushtetutës dhe lirive e të drejtave themelore të njeriut.

Veprimtaria gjyqësore kushtetuese është programi buxhetor i përbërë nga produktet:

93001AA Produkti "Vendime të marra", nga 400 vendime të planifikuara për vitin 2025, janë realizuar 263 vendime për periudhën 8-mujore, ky produkt është realizuar 66%.

M300004 Produkti “Paisje zyre”, i realizuar deri tani në masën 25%, është i ndarë në mobilje/orendi (aktualisht në proces realizimi) dhe paisje elektrike zyre (kondicioner, tv, etj.), nga 4 produkte të planifikuara (pas rishikimit) është realizuar plotësisht 1 produkt.

- M300008** **Produkti “Rikonstruksion”** nuk është realizuar gjatë 8 mujorit të vitit 2025 (aktualisht në proces të nënshkrimit të kontratës me operatorin fitues).
- 18AG003** **Produkti “Informatizim i veprimtarisë”** nga 31 produkte të planifikuara (pas rishikimit) është realizuar 1 produkt ose realizuar në masën 3% (aktualisht në proces realizimi).
- M300007** **Produkti “Biblioteka”**, nuk është realizuar gjatë 8-mujorit të vitit 2025 sepse është parashikuar të prokurohet në muajin shtator 2025, në mënyrë që të kemi mundësinë e zgjedhjes edhe nga tituj që botohen në vitin 2025.

Shpenzimet sipas klasifikimit ekonomik janë si më poshtë:

Për artikullin 600- “Paga”, me financim nga buxheti i shtetit fondi është realizuar në masën 63% për periudhën janar-gusht 2025.

Për artikullin 601- Kontribute për sigurime shoqërore dhe shëndetësore, fondi i akorduar është realizuar në masën 59% për periudhën janar-gusht 2025.

Për artikullin 602- Shpenzime operative, realizimi për këtë zë është në masën 56%.

Artikulli 605-Shpenzime për transferta korrente të huaja (605) nga 1,000,000 lekë të akorduara për vitin 2025 dhe janë shpenzuar 503,241 lekë:

1. Kontributi financiar vjetorë për Konferencën Botërore të Drejtësisë Kushtetuese (WCCJ) në vlerën 101,500 lekë.
2. Kuotizacioni vjetor që paguan gjykata si anëtare me të drejta të plota në Shoqatën e Gjykatave Kushtetuese Fronkofone (ACCF) në vlerën 234,266 lekë.
3. Kontributi financiar për pjesëmarrjen në Kongresin FIDE në vlerën 167,475 lekë.

Artikulli 606- Shpenzime për transferta të brendshme, nga 505,000 lekë, janë shpenzuar 244,487 lekë ose në masën 48%, për rimbursimet e shpenzimeve telefonike (dhjetor 2024-korrik 2025).

Në mënyrë të përmbledhur buxheti i vitit 2025 prej 262,200,000 lekë të akorduara, gjatë periudhës janar - gusht 2025 është realizuar në vlerën 153,615,013 lekë ose 59%.

5. Projektet kapitale –Investime kapitale

Fondi total i akorduar nga buxheti i vitit 2025, për investimet kapitale është 14,000,000 lekë. Në këtë fond janë të përfshira investimet për të gjitha produktet e parashikuara për t’u realizuar gjatë

vitit 2025 nga ana e Gjykatës Kushtetuese. Këtu përfshihen investimet që kanë të bëjnë me përmirësimin e infrastrukturës së brendshme të gjykatës, informatizimin e veprimtarisë, pasurimin e bibliotekës me tituj profesionalë, etj. Gjatë kësaj periudhe janë kryer ndryshime (*rialokime fondesh*), brenda fondit të miratuar, me qëllim maksimizimin e realizimit të produkteve të parashikuara. Këto ndryshime kanë marrë edhe miratimin e Ministrisë së Financave.

6. Ndryshimet në buxhet

Gjatë 8-mujorit të vitit 2025, është celur shuma 200,000 lekë në llog 606 si dhe brenda buxhetit të miratuar janë kryer rialokime, konkretisht, rialokim nga llog 602 në llog 606 në shumën 305,000 lekë dhe riakolim tek investimet kapitale llog 231.

7. Përfundimet

Performanca financiare e institucionit paraqitet e mirë dhe në përputhje me parashikimet e bëra gjatë vitit. Gjatë periudhës raportuese nuk janë evidentuar faktorë të jashtëm ose të brendshëm të cilët mund të kenë ndikim thelbësor në arritjen e objektivave të vendosura dhe realizimin e produkteve në përputhje më programin “Veprimtaria gjyqësore kushtetuese”

SEKRETAR I PËRGJITHSHËM

EUGEN PAPANDILE